

INUIT ATAQATIGIIT

Inatsisartuni



Aasiaat 15.januar 2018

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

Naalackersuisunut apeqquq:

- 1. Illoqarfiit tallimat sorliit angerlarsimaffinni meerartaqarfiusuni eqqissiviilliorfiunerpaasarnersut Naalackersuisut taasaqarsinnaanerpap? Aappiuppat taava illoqarfiit tallimat sorliit angerlarsimaffinni meerartaqarfiusuni eqqissiviilliorfiunerpaasarpap? Uani unnukkut unnuakkullu angerlarsimaffinni meerartalinni eqqissiviilliorfiusartut eqqarsaatigaakka.**
- 2. Illoqarfinni tallimaasuni, illoqarfimmi ataatsimi "Unnuarissanik" pingasunik, katillugulu 15-nik atorfinnik sisamangornermiit arfininngornermut al. 20.00.-ip 08.00-illu akornanni pilersitsisoqassagaluarpap, tamanna nunatta karsianut qanoq naleqassava? Akissaatinut tunngatillugu isumaginninnermut siunnersortit ulloq unnuarlu angerlarsimaffiusuni akissaataasut najoqqutatalugit.**
- 3. Illoqarfinni tallimaasuni (eqqissiviilliorfiunerpaasartuni) meeqqat unnuakkut eqqissiviilliorfiunerpaasartut qimarnguissaattut meeqqeriviit sisamangornermiit arfininngornermut unnuakkut 20.00.-miit ullaakkut 08.00.-ip tungaanut ammatinneqartalissagaluarpapata tamanna nunatta karsianut qanoq naleqassava?**

(Inatsisartuni ilaasortaq Peter Olsen, Inuit Ataqatigiit)

Tunngavilersuut:

Naluneqanngitsutut ukiuni kingullerni angerlarsimaffipparujussuarni meeqqanik eqqissiviilliorfiitinerit sumiginnaanerillu ajoraluartumik tusarsaaleraluttuinnarput. Tamanna ajorpoq akuserarneqarsinnaanngilarlu. Meeqqat taama atugaqartikkusunnangeqaat, meeqqallu illersorneqarnera sukkut tamatigut annertusarneqartuartaqarpoq.

Meeqqat ataasiakkaat illersorniarlugit imigassanik assigiinngitsunik pisisinnaanerup sallaassisinnaanerup aammalu piseqqusaarutinin killilersuiniarnerit ajunngillat, kisianni taakku kisiisa pitsaaliunertut atussallugit naammangilluinnarput.

Uanga isumaga naapertorlugu periarfissat aqqutissallu ilagaat ujartuilluni pitsaaliuneq (opsøgende forebyggelse). Allaffimmi issiaannarluni saaffiginntoqarnissaanik utaqqiinnarani. Periarfissatsialatullu uanga isigaara "Unnuarissanik" pilersitsinneq.

"Unnuarissat" suliassarissavaat unnukkut nal.20.00.-miit ullaap tungaanut illoqarfimmi nakkutillinneq, meeqqanik ukiukitsunik pisariaqanngitsumik unnuaanakkut aneertoqannginnissaa nakkutigissallugu, pisariaqarpallu meeraq/meeqqat angerlarsimaffimmini eqqissiviilliorfiunerpaasartut ernguttoqarneraluunniit pissutigalugu aniiginnersimappata taava "qimarngutissallugit" meeqqerivimmullu oqqutissallugit, paarissallugit, isumagalugit eqqissilutillu ullaap tungaanut siitsinneqarnissaat isumagissallugu.

"Unnuarissat" suliassaasa aamma ilagiumaarpaat angajoqqaanik oqaloqateqarneq siunnersuinissarlu. Oqaloqatigiinneq siunnersuinerlu pitsaaliunissamut aamma aqqutissat pingaernerit pitsaanerillu ilagilluinnarpaat.

Tassa aatsaat meeqqanik paaqqutarinnineq illersuineq.

Taamatut naatsumik tunngavilersuuteqarlunga matumuuna apeqquteqaatika ingerlateqqip-pakka.

Qinnutigissavara apeqquteqaatima ullut suliffiusut qulit iluanni akineqarumaartut.